

14
SERENISSIMO PRINCIPI
LUDOVICO
BURGUNDIÆ DUCI
GALLIARUM DELPHINI FILIO
CHRISTIANISSIMI REGIS
LUDOVICI XV.
NEPOTI
CARMEN GENETHLIACUM.



R O M Æ MDCCLII.

EXCUDEBAT GENEROSUS SALOMONI
IN FORO SANCTI IGNATII
SUPERIORUM FACULTATE.

PETRO GUERINO TENCINO
C A R D I N A L I

ARCHIEPISCOPO LUGDUNENSI

Ordinis Spiritus Sancti Equiti Commendatario.

ALOYSIUS ANTONIUS VERNEIUS

EQUES TORQUATUS ARCHIDIACONUS EBORENSIS

S. P. D.



U M non ita pridem, PETRE GUE-
RINE Cardinalis Amplissime, Car-
men Genethliacum SERENISSIMO
BURGUNDIÆ DUCI dicatum, ab amico ho-
mine conditum legerem & pervolutarem.

A 2

108.

tanta voluptate perfusus sum , ut nihil umquam legerim jucundius . Mirabar viri clarissimi tum in pangendis carminibus facilitatem , tum Latinæ linguæ nitorem , tum etiam divinum illud nescio quid , quod in toto carmine fusum animadvertēbam : illudque meditando reperiebam , Poetam nostrum quatuor illa feliciter , & acri judicio complexum fuisse , quæ magnos Poetas facere solent , numeros , nervum , candorem , venustatem . Ut mihi carmen ipsum non hujus sæculi esse , sed aurea Poeseos Latinæ ætate natum , idque in media Urbe , esse videretur . Augebat etiam voluptatem carminis argumentum , quod CHRISTIANISSIMORUM REGUM laudes , quæ neminem non in admirationem sui rapiunt , mira arte persequitur inlustriores . Plane ut mihi persuaderem , aliquam me a Gallis clarissimis , aliquam a Poetices studiosis gratiam initurum , si carmen ipsum vulgarem . Quid te morer pluribus ? Constitui illud in lucem emittere , si per conditorem liceret . Quod ipsum ab homine humanissimo cum gratia impetravi . Illud autem ut in tuo nomine ederem duo me moverunt . Primum materies ipsa carminis . Cui enim tale poema inscriberem , nisi clarissimo ac præstan-
tiſſi.

*tissimo viro , de Gallis suis optime merito ,
 qui & Litterariam , & Civilem rempu-
 blicam tanta cum laude administravit ?
 Deinde vetera , & bene multa officia er-
 ga me tua , quæ jampridem aliquid a me
 flagitare videbantur , quod sub tuo nomine
 appareret ; ut exstaret monumentum ali-
 quod , quod meam in te observantiam , &
 gratum animum ostenderet . Munusculum igitur
 ejusmodi , PETRE GUERINE , ad te mit-
 to , si primum te doceo , poematis auctorem
 esse Joannem de Luca Venetum , coram PON-
 TIFICE MAXIMO Examinatorem Episcoporum , ho-
 minem & sacris , & profanis litteris doctis-
 sime eruditum , magnum Franciscanæ fami-
 liæ , magnumque urbis Romæ ornamentum .
 Vale , Cardinalis amplissime , doctissimeque ,
 & me , ut facis , amare perge . Roma pridie
 Kal. Decembr. A. C. N. MDCCII.*



IMPRIMATUR.

Si videbitur Reverendissimo Patri Magistro Sacri Palatii Aposto-
lici.

F. M. de Rubéis Patriarcha Constant. Vicefg.

M Andato Reverendissimi Patris Sac. Apostolici Palatii Magistri, ingenti cum voluptate legi Genethliacum hoc Carmen a Rmo P. Joanne de Luca Veneto Episcoporum Examinatore conscriptum, in eoque Virgilianam elegantiam, nitorem, ac majestatem demiratus sum. Itaque Auctori, qui singularem in rebus Theologicis præstantiam cum summa Poeticæ Artis facultate conjungit, absolutissimum opus gratulor, & luce publica dignissimum censeo; cum sit nihil in eo a me repertum, quod aut Fidei Catholicæ, aut bonis moribus adversetur.

Romæ e Collegio Romano Idibus Decemb. MDCCLII.

Josephus Maria Mazzolari e Soc. Jesu Rhetoricæ Professor.

IMPRIMATUR.

Fr. Vincentius Elena, Magister Socius Rm̃i P. Magistri Sac. Palatii
Apostolici Ordinis Prædicatorum.

CAR-



CARMEN GENETHLIACUM.



LLUSTRES animæ, quas vexit ad æthera virtus,
Borbonidum, & quarum felix ingentibus ausis
Gallia jam supra populos caput extulit omnes,
Linquite Cælestum sedes, parvumque Nepo-
Visite, qui primis implet vagitibus auras. (tem

Majestate oris vultum Genitoris, Avique,
Et vestros nunc ille refert: virtutibus olim
Vos referet Juvenis vestigia nota sequutus.
Sic ruet adversas acies, stragesque feretur
Per medias, ut vos quondam, cum, fortia bello
Pectora quid possent, Batavusque, Anglusque viderent,
Heu nimium pelago confisi, & fœdere iniquo.
Sic quoque per populos patris dabit ille volentes
Jura pius, miroque Dei succensus amore.
Nempe hoc relligio amborum manifesta Parentum,
Hoc Avix pietas, & cura antiqua sacrorum,
Hoc & certus Avus Latius defendere ritus
Portendunt. Quantus Puero vigor? en ut ocelli
Igne micant, ut frons, utque ora, genæque Parentem
Magnanimum spirant: quamvis quoque possit in illis
Cognosci Mater, genus alto a sanguine Regum
Saxonidum, Francis decus, & spes addita terris.

Scilicet æthereas Pueri venientis in auras
 Et color, & species, vultusque, & lumina magnos
 Promittunt animos, & dignos sanguine mores.
 Qualis ubi ingenti Sylva, summove Taburno
 Exeruit tenerum rupta tellure cacumen
 Surculus, enodi si vivida stipite virga
 Explicet & frondes primas, erectaque surgat,
 Arbor erit, valido quæ robore tendat in auras.
 Contemnura notos, æstosque aquilonibus imbres.
 Ipsa etiam summi Proles æterna Parentis
 Alma Parens mundi, qua præside cuncta geruntur,
 Nata vigent, auctusque suo de semine ducunt,
 Afflavitque animam Pueri, dignumque paravit
 Hospitium, & teneros effinxit corporis artus.

Est locus, aspectu gaudent ubi Numinis omnes
 Cælicolæ, casti quondam, dum vita manebat,
 Aligerumque chori sedes tenere beatas:
 (Quippe æterna Deus brevibus dat præmia curis.)
 Hic Patris humanas fingit Sapientia mentes
 Diva operum solers, ornatque in corpora ituras.
 Ergo ubi DELPHINO similem petit anxia Natum
 Gallia suppliciter tristis, Divosque precatur;
 Conceptusque dedit signum carissima Coniux;
 Adstitit ante Deam (1) stirpis Ludovicus origo
 Borboniæ, (2) quem, dum Christi nova bella moveret
 Hostibus, atra dies raptum demersit acerbo
 Funere, nunc folio stellantis regia cæli

Acci-

(1) Divinam Sapientiam intellige, quæ Deus est, ac Dei Filius. Dixit autem Poeta *Deam*, ne inconcinne, minusque carmini congruenter *Sapientia* generi feminino masculinum *Dei* subjungeret: ita summos Poetas, eodemque Catholicos imitatus.

(2) S. Ludovicus IX. Galliarum Rex, cujus et filio natu minore Roberto familia Ducum Borboniorum descendit. S. Ludovicus bis intulit bellum Saracenis, quorum in altero peste correptus in Cælum evolavit.

Accipit, & numerum Divorum altaribus auget:
 Ad quam tum supplex LUDOVICUS talibus infit:
 Cara Dei Soboles, mundum quæ numine torques;
 Si tibi nos quondam, si nunc tibi Gallia cordi est;
 Nec sumus indecores regno, quod sanguine fuso
 Artibus humanis per vulnera quinque parasti, (1)
 Vulnera, quæ letho informi gens impia fecit,
 Nunc tibi sunt eadem radiantia sideris instar;
 Ad te confugio, & sanctum mihi Numen adoro,
 Ut pro composito terraque, marique tumultu,
 Pignore pro certo pacis mihi ludat in aula
 Parvulus, & longum populis det jura quietis,
 Post centum magnos volvendis mensibus orbes,
 Cum Patrem, & Patris Genitorem hæc regia feros
 Accipiet: vel bella gerat, si bella gerenda
 •Pro re Romana, pro majestate suorum.
 Præcipue sunt heroum tibi corpora curæ,
 In quibus & populi, & regum fortuna recumbit,
 Sunt animæ. Ergo animam numquam virtutis egentem
 Da Puero, atque suis aptos finge usus artus.

Talibus orantem dictis, atque oscula dantem
 Vulneribus magno Soboles æquæva Parenti
 Hinc atque hinc niveis Regem complectitur ulnis.
 Inde refert: O ante alios flos optime regum.
 Care mihi, cujus merito pars maxima nostræ
 Semper erunt curæ populi, quos Gallia nutrit:
 Haud indigna petis: dabitur tibi, nate, quod optas.
 Borbonidum soboles (ultra ne quære doceri)
 Armipotens late terris regnabit, et alto,
 Dum pietatis honos illi, et mea sacra manebunt.
 Hæc ait, atque animam Puero aspiravit, & artus,

Con-

(1) Ecclesiæ regnum intellige, quod Filius Dei acquisivit sanguine suo.

Connubii quos lege Pater, Genitrixque dederunt,
Composuit miscens auramque, atque ætheris ignem.

Ergo Dea (1) donis, & tanto lætus honore
Rex pius alloquitur venturum in luminis auras:
Parve Puer gaude: tibi enim, tibi munera larga
Multa manu dedit ipse Deus, similesque paternis
In te fudit opes, & avitæ femina flammæ:
I felix, quo te repetentem exempla tuorum
Magna rudimenta, & paribus quoque gloria factis
Extendenda vocant, stimulisque potentibus urgent.
Ille, viden' chlamyde, & pictis spectabilis armis, (2)
Cum jam deficeret series longissima Regum,
Gallia Valefæ multos ab origine gentis
Quos habuit, longo mihi proximus intervallo
Ivit in imperium nostro de sanguine primus
Borbonidum: hic olim furiis Acheronte remissis,
Externisque odiis, patriisque erroribus actus
Sæviit: at ritus Latios post horrida bella
Accepit tandem, & Domino parere Quiritum
Sustinuit, finemque dedit civilibus armis.
Proximus ille, suis Justus cognomine dictus (3)
Francigenis, idem & Superum justissima cura.
Cum stygiis emissus aquis per tecta, per agros
Iret ovans turba capitum, tumidusque veneno,
Ipsam etiam Regem frustra circumflectit Anguis:
Vipereamque animam populo inspiravit, & arma
Impia sumentem bello certare subegit.
Monstrum horrendum, ingens non uno contudit ictu
Magnanimus Juvenis, Regique, Deoque rebellem
Subjecit populum, & dominos jam ferre coegit.

Nequi-

(1) Vide primam adnotationem.

(2) Henricus IV. Galliarum Rex, primus e familia Borbonia.

(3) Ludovicus XIII. Henrici IV. filius.

Nequidquam Rupella Anglo confisa fugaci,
 Et male tuta freto, pelagi pro turribus undas
 Objecit Regi, atque hostem differre parabat.
 Namque furens animis aderat LUDOVICUS, & omnem
 Accessum lustrans huc arma ferebat, & illuc.
 Fecit equis, fecitque viris iter ille per aquor
 Molibus impositis, & mœnia milite cinxit,
 Attulit & bello finem, victisque salutem.
 At cui pulchra nitet cœlata in casside laurus,
 Pictaque Relligio calicem tenet, astraque dextra
 Signat agens curruum, viden' ut vigor igneus olli,
 Luminaque ultorem spirant ardentia Martem?
 Hic vir, hic est, (1) quem sæpe manu sensere potentem
 Germani, Batavumque acies, fusique Britanni.
 Ille inter densas per aperta pericula naves
 Navibus inVectus, peditumque, equitumque catervas
 Ferro aditum rupit: veluti cava dividit igni
 Nubila, & horrenti percurrit lumine nimbos
 Cum tonitru fulmen, turreſque, & tecta domorum
 Disjicit: aut rupto violentior aggere torrens
 Obvia quæque rapit. Circumjacet ostia Rheni
 Tuta situ regio, defenſaque flumine vasto,
 Aggeribusque maris, quos in discrimine belli
 Submovet, & pelago late obruit arva ſonante
 Gens infracta malis: hostes hinc temnere Gallos.
 Fluminis in ripa Batavum confederat agmen:
 Nec tulit hoc heros animis, celereſque per amnem
 Ire in equis turmas, Batavosque laceſſere pugna
 Imperat: invadunt equites, ac jussa facessunt. (2)
 Fertur aquis ſonipes, Gallumque exponit in ulva.

Nec

(1) Ludovicus XIV. Ludovici XIII. filius, cognomine *Magnus*.

(2) Admirabilis Gallici exercitus per flumen Rhenum trajectio in expeditione Batavica anno 1672.

Nec mora, diffugiunt hostes, & castra relinquunt
 Mirantes animosque virum, & luctamen equorum.
 Inde (fide majus) terdenis arcibus heros
 Vi potitur. Quid non Gallorum interrita cogit
 Pectora Regis amor? Sternuntur inertia passim
 Corpora, perque vias stragis cumulantur acervi.
 Sed tamen illa Viro longe victoria major
 Tutari populos, defendere legibus urbes,
 Christiadamque sacris infandam avertere pestem.
 Hæc pietas, famæ merito pars maxima nostræ,
 Borbonidum sustentat opes: hinc vivida bello
 Dextra viris, audensque animus, certusque pacisci
 Sanguine speratas dubia inter prælia lauros.
 Filius (1) hunc sequitur, qui tantum habet illius instar,
 Ut, nisi Cælicolum superas venisset in ædes
 Ante diem terris raptus, non Gallica quondam
 Ullo se tantum tellus jactasset alumno.
 Huic comes it Natus pietate insignis avita, (2)
 Sacrorum & studiis; quibus ut tremefecerit hostem
 Tænarium scribens pro religione parentum,
 Romanus Pater, ac læti didicere Quirites. (3)
 Heu Juvenis, tantas animo ne concipe curas:
 Projice jam calamum sanguis meus: hic tibi lethi
 Causa erit. Et metuens magno commotus amore
 Vera canebat Avus: nam funere raptus acerbo
 Terdenas Juvenis tantum numeravit aristas.

Nunc

(1) Ludovicus Galliarum Delphinus, Ludovici Magni Filius, ante Patrem
 e vivis sublatns.

(2) Ludovicus Burgundie Dux, Delphini Filius, qui ante Regem Avum
 immature nimis decessit alienissimo Ecclesie tempore, Princeps egregie pius,
 & doctus.

(3) Scripsit ille Diatribam adversus hæreticos Jansenianos, quam typis
 editam misit ad Clementem XI. P. M. Ludovicus Magnus. Cum ejus obitum
 Pontifex deploraret, ipsum magnopere tum a doctrina, tum a pietate lau-
 davit in Patrum Senatu Purpuratorum.

Nunc, age, & illius Prolem (1) quæ deinde sequatur
 Gloria, te Pater ipse tuus, Puer alme, docebit.
 Namque Avus imperii felix moderatur habenas,
 Observatque Pater paribus vestigia curis. (2)
 Ut bello egregias idem disjecerit urbes,
 Ceperit & vallo firmas, & milite Bergas,
 Contuderitque Anglos magno in certamine victor,
 Aurea condiderit positus dein sæcula bellis,
 Narrabit Genitor non inferiora sequutus.
 En hujus, Nate, auspiciis ut Palladis artes
 Gallia læta colit, veterumque oblita laborum.
 Ecce peragrato juvenum manus indicat orbe
 Descriptam radio terræque, marisque figuram.
 Fama volat: miratur Arabs, miratur & Indus,
 Extremique hominum Seres, quid Gallica possint
 Ingenia. Hinc rerum causas penetrare latentes
 Siquis amet, nostræ scitatum oracula gentis
 Huc veniet, librosve legens arcana revolvit.
 His ego te ducibus famam sperare merendo
 Horter, & ingentes animis assuescere curas.
 Quid tibi nunc referam Maternæ nomina gentis,
 Invictosque animos? Scit Sarmata durus, & Albis
 Virtutesque, Viroscque, & bella, & præmia belli.
 Et dubitas, qua te generis rapit æmula virtus,
 Ire via, Proavosque Nepos æquare sequendo?
 Id meditans cum te missum sub luminis auras
 Gallia cognoscet, Divum solemnina templis
 Dona feret, nec jam capiet sua gaudia felix:
 Romulidumque Pater magno celebrabit honore

Na-

(1) Ludovicum nempe XV., Ludovici Burgundiæ Ducis demortui Filium, Galliarum Regem felicissimum, Burgundiæ Ducis recens nati Avum.

(2) Ludovicus Delphinus, Ludovici XV. Filius, Burgundiæ Ducis Pueruli Pater.

Nascentem, & Superis votum immortale sacrabit
 Pro te, pro Genitore, & Avo : nam pectore cura
 Prima sedet clauso Europam componere Jano,
 Et Gangem super, ac domiti latera ultima mundi,
 Oceanique vias Romana extendere sacra .
 Borbonidum auspiciis, & robore fretus avito
 Id struit, hæc Superum poscit sibi dona Sacerdos .
 O utinam hæc nostris accedat gloria fastis .

Dixerat hæc Senior, Pueri cum membra petivit
 Spiritus : Infantem peperit mox Regia Conjux .
 Tum, quasi fatidicos animo, quos ille canebat,
 Haulisset monitus, ter vultu risit amico
 Ad Matrem Puer, ad puerum latissima Mater .

